

Bosna i Hercegovina
Federacija Bosne i
Hercegovine
Kanton Sarajevo
Grad Sarajevo
**OPĆINA CENTAR
SARAJEVO**
Općinski načelnik



Bosnia and Herzegovina
Federation of Bosnia and
Herzegovina
Canton Sarajevo
City of Sarajevo
CENTAR MUNICIPALITY
Municipal Mayor

Босна и Херцеговина
Федерација Босне и
Херцеговине
Кантон Сарајево
Град Сарајево
**ОПШТИНА ЦЕНТАР
САРАЈЕВО**
Општински начелник

Na osnovu člana 15. Zakona o principima lokalne samouprave u Federaciji Bosne i Hercegovine ("Službene novine Federacije BiH " broj 49/06 i 51/09), čl. 25. i 69. Statuta Općine Centar Sarajevo – prečišćen tekst («Službene novine Kantona Sarajevo», broj 23/04), a u vezi sa tačkom 5. Smjernica o minimalnim standardima dodjele budžetskih sredstava putem transfera i subvencija u Federaciji Bosne i Hercegovine („Službene novine Federacije BiH“, broj 37/24), Općinski načelnik donosi

PRAVILNIK O KRITERIJIMA I NAČINU SUFINANSIRANJA PROJEKATA USTANOVA SOCIJALNE ZAŠTITE

I OPĆE ODREDBE

Član 1. (Predmet)

(1)Ovim Pravilnikom uređuju se kriteriji, postupak, način i uslovi sufinansiranja projekata iz oblasti socijalne zaštite koje provode ustanove socijalne zaštite a dodjeljuju se iz Budžeta Općine Centar Sarajevo- tekući transfer za podršku ustanovama socijalne zaštite.
(2) Pravilnikom se uređuju prava, obaveze i odgovornosti ugovornih strana, kao i nadzor nad korištenjem sredstava.

Član 2. (Cilj)

Cilj ovog Pravilnika je osiguravanje uvjeta za unapređenje kvaliteta socijalnih usluga, podrška realizaciji programskih aktivnosti ustanova, davanje doprinosa socijalnoj inkluziji i zaštiti najosjetljivijih kategorija, uz obavezu transparentnog, pravičnog i efikasnog korištenje sredstava.

II PRAVO NA SUFINANSIRANJE

Član 3. (Dozvoljena namjena sredstava)

Sredstva za realizaciju ovog Pravilnika obezbjeđuju se u Budžetu Općine Centar Sarajevo u skladu sa raspoloživim sredstvima i mogu se koristiti za :

- doprinos zaštiti ranjivih kategorija društva;
- promociji socijalne inkluzije i zaštite najosjetljivijih kategorija ;
- unapređenje redovnih programskih aktivnosti;
- unapređenju kvaliteta socijalnih usluga;
- troškove realizacije programa i projekata za korisnike;
- razvijanju inovativnih mjera podrške korisnicima;

III KRITERIJ ZA DODJELU SREDSTAVA

Član 4. (Opći kriteriji)

(1) Pravo učešća na javni poziv imaju sve javne ustanove socijalne zaštite u Kantonu Sarajevo, a koje obavljaju djelatnost socijalne zaštite u skladu sa zakonom i iste su :

- Registrovane za obavljanje djelatnosti socijalne zaštite - uvjerenje o registraciji ;
- Uredno obavljaju djelatnost socijalne zaštite- izvještaj o radu i postignutim rezultatima;
- Dostave potpunu prijavu u skladu sa javnim pozivom;
- Nemaju nenamjenski utrošena sredstva iz ranijih budžetskih transfera dodijeljena od strane Općine Centar Sarajevo u prethodnim budžetskim godinama;
- Dostave program aktivnosti/projekat sa finansijskom konstrukcijom za koje traže sufinansiranje;

(2) Projekti se ocjenjuju prema sljedećim kriterijima:

- Relevantnost projekta;
- Definisani ciljevi i rezultati;
- Održivost projekta;
- Kapacitet aplikanta za realizaciju projekta;
- Ciljevi / efekti i opravdanost budžeta;

Član 5. (Posebni kriteriji)

Pri odlučivanju o dodjeli sredstava posebno se cijeni :

- Broj korisnika usluga sa područja općine Centar Sarajevo;
- Značaj programa za unapređenje socijalne zaštite;
- Kvalitet održivosti predloženih aktivnosti;
- Opravdanost finansijskog plana ;
- Dosadašnji rezultati ustanove;

IV POSTUPAK DODJELE SREDSTAVA

Član 6. (Javni poziv)

(1) Sredstva sa budžetske pozicije predviđena za ove namjene dodjeljuju se putem javnog poziva.

(2) Javni poziv za sufinansiranje projekata podrške radu javnih ustanova socijalne zaštite objavljuje Općinski načelnik na oglasnoj ploči Općine Centar Sarajevo i na web stranici Općine Centar Sarajevo.

(3) Javni poziv ostaje otvoren 20 dana od dana objavljivanja.

(4) Sadržaj javnog poziva, u skladu sa odredbama ovog Pravilnika, priprema Služba za boračko – invalidsku i socijalnu zaštitu.

(5) Pismene prijave na javni poziv podnose se putem Službe za boračko – invalidsku i socijalnu zaštitu, koja iste prosljeđuje Komisiji za provođenje javnog poziva.

Član 7. (Dokumentacija)

Ustanova dostavlja :

- Popunjen obrazac prijave s osnovnim podacima o ustanovi i kontakt osoba;
- Uvjerenje o registraciji ;
- Statut ili osnivački akt;
- Program aktivnosti /projekat za koji se traži sufinansiranje (opis aktivnosti, ciljevi, korisnici, očekivani rezultati);

- Detaljan finansijski plan projekta (pregled troškova, iznos traženih sredstava, eventualni drugi izvori finansiranja);
- Ovjerena izjava da ustanova nema nenamjenski utrošenih sredstava iz ranijih budžetskih transfera od strane Općine Centar Sarajevo koja su dodijeljena u prethodnim budžetskim godinama;
- Ovjerena izjava kojom se potvrđuje da će dodijeljena budžetska sredstva biti namjenski utrošena u skladu sa odobrenim projektom/namjenom;
- Dokaz o broju korisnika usluga / posebno o broju korisnika sa područja Općine Centar Sarajevo;
- Izvještaj o radu i postignutim rezultatima;
- Transakcijski račun ustanove.

Član 8.

(Način odlučivanja)

(1) Pristigle prijave, nakon zatvaranja javnog poziva, razmatra Komisija za provođenje javnog poziva koju će posebnim rješenjem imenovati Općinski načelnik.

(2) Nepotpune i neblagovremene prijave neće se uzimati u razmatranje.

(3) Komisija u sastavu od najmanje tri člana za provođenje javnog poziva će u roku od 10 dana od dana zatvaranja javnog poziva sačiniti preliminarnu listu korisnika sredstava, koja će nakon što bude verifikovana od strane Općinskog načelnika biti objavljena na web stranici Općine Centar Sarajevo, uz mogućnost isticanja prigovora u roku od 8 dana od dana objavljivanja.

(4) Komisija za rješavanje prigovora u sastavu od najmanje tri člana koju će posebnim rješenjem imenovati Općinski načelnik će rješavati po prigovorima i u roku od 8 dana od dana ulaganja prigovora odlučiti o istom.

(5) Nakon isteka roka za prigovore odnosno donošenja odluke po prigovorima, Komisija za provođenje javnog poziva pristupa izradi prijedloga odluke o sufinansiranju projekata ustanova socijalne zaštite.

(6) Općinski načelnik nakon razmatranja dostavljenih prijedloga i mišljenja nadležne službe za finansije donosi konačnu Odluku o dodjeli budžetskih sredstava koja će biti objavljena na web stranici i oglasnoj ploči Općine Centar Sarajevo.

(7) Nakon usvajanja Odluke, Općinski načelnik će sa korisnicima budžetskih sredstava sklopiti ugovore kojima će se detaljno odrediti prava i obaveze ugovornih strana.

V PRAĆENJE I IZVJEŠTAVANJE

Član 9.

(Namjensko korištenje)

(1) Korisnici sredstava dužni su dostaviti narativni izvještaj, finansijski izvještaj i dokaz o utrošku sredstava a koji je u skladu sa kriterijima ovog pravilnika, uslovima javnog poziva i Odlukom o izvršavanju Budžeta Općine Centar Sarajevo za tekuću godinu.

(2) Izvještaj iz stava (1) ovog člana je obavezan da sadrži fiskalne račune i ostale priloge propisanih računovodstvenih isprava za sve troškove nastale po odobrenom projektu, u skladu sa važećim zakonskim propisima koji reguliraju ovu oblast.

Sredstva je dozvoljeno koristiti isključivo na aktivnosti u skladu sa odobrenim projektnim prijedlogom. Isključivo se mogu pravdati samo troškovi koji su nastali nakon dodjele sredstava, odnosno nakon potpisivanja ugovora sa davaocem sredstava.

(3) Ako korisnik sredstava ne dostavi izvještaj u roku koji je određen ugovorom ili sredstva utroši u suprotnosti sa ugovornim odredbama, Općina Centar će zatražiti povrat cjelokupnog iznosa odobrenih sredstava i u suprotnom pokrenuti postupak pred nadležnim sudom.

(4) Korisnik sredstava koji nije utrošio cjelokupno doznačena sredstva za realizaciju odobrenog projekta, dužan je izvršiti povrat neutrošenih sredstava uplatom na račun Općine Centar u roku koji će biti određen ugovorom.

(5) Praćenje utroška sredstava vrši Služba za boračko-invalidsku i socijalnu zaštitu, na osnovu terenskih posjeta/monitoringa.

VI ZAVRŠNE ODREDBE

Član 10. **(Stupanje na snagu)**

Ovaj Pravilnik stupa na snagu narednog dana od dana objavljivanja u Službenim novinama Kantona Sarajevo, a isti će biti objavljen na oglasnoj ploči Općine Centar Sarajevo i na zvaničnoj web stranici Općine Centar Sarajevo.

Broj: 09/B-11-2748/26
Sarajevo, 16.04.2026. godine

Općinski načelnik

Srđan Mandić